

**JAVNA USTANOVA PSIHIJATRIJSKA BOLNICA  
KANTONA SARAJEVO**

**S T A T U T  
JAVNE USTANOVE PSIHIJATRIJSKA BOLNICA KANTONA  
S A R A J E V O**

*PREČIŠĆEN TEKST*

*Sarajevo, april 2016. godine*

*Na osnovu člana 63. i člana 65. stava 1. alineje 1. Zakona o zdravstvenoj zaštiti ("Službene novine Federacije Bosne i Hercegovine", br. 46/10 i 75/13 ) te člana 5. i člana 13. stava 2.tačke a) Odluke o preuzimanju prava i obaveza osnivača i usklađivanju organizacije i poslovanja Javne ustanove Psihijatrijska bolnica Kantona Sarajevo ("Službene novine Kantona Sarajevo", broj 7/12 ), Upravni odbor Javne ustanove Psihijatrijska bolnica Kantona Sarajevo na osmoj sjednici održanoj dana 23.01.2014. godine, uz saglasnost Skupštine Kantona Sarajevo ("Službene novine Kantona Sarajevo" broj 25/14, 12/06) d o n o s i*

## **S T A T U T**

***Javne Ustanove Psihijatrijska bolnica Kantona Sarajevo***

### ***PREČIŠĆEN TEKST***

#### ***DIO PRVI – UVODNI DIO***

#### **Član 1.**

***(Osnovne odredbe)***

*Statut je osnovni opšti akt Javne ustanove Psihijatrijska bolnica Kantona Sarajevo (u daljem tekstu : Bolnica), a njime se uređuju osnovna pitanja za rad Bolnice i to: naziv i sjedište Osnivača, naziv i sjedište Javne ustanove Psihijatrijska bolnica Kantona Sarajevo, status pravnog lica, djelatnost Bolnice, statusne promjene, unutrašnja organizacija, prava i obaveze, zakup, sredstava rada, način raspolaganja viškom prihoda nad rashodima i način na koji se pokriva višak rashoda nad приходima, odgovornost i obaveze, imenovanje organa upravljanja, rukovođenja i drugih organa, stručna tijela Bolnice, mandat članova stručnih tijela, način izbora i finansiranja, način obezbjeđivanja sredstava za rad Bolnice, prava i obaveze Osnivača u pogledu obavljanja djelatnosti zbog koje je Bolnica osnovana, međusobna prava i obaveze Bolnice i Osnivača, donošenje Statuta i drugih općih akata, zastupanje i predstavljanje, odnos*

*prema korisnicima usluga, javnosti rada i druga pitanja vezana za obavljanje djelatnosti Bolnice.*

## **Član 2.**

### **(Osnivač)**

- (1) *Skupština Kantona Sarajevo ( u daljem tekstu: Osnivač ) je Osnivač Bolnice Kantona Sarajevo na osnovu Odluke o preuzimanju prava i obaveza Osnivač i usklađivanju organizacije i poslovanja Javne ustanove Psihijatrijska bolnica Kantona Sarajevo ("Sl.novine Kantona Sarajevo" broj 7/12), koja je osnovana u cilju pružanja usluga specijalističko-konsultativne i bolničke zaštite u oblasti psihijatrije, na sekundarnom nivou, na području Kantona.*
- (2) *Odlukom iz stave 1.ovog člana izvršeno je preuzimanje prava i obaveza Osnivača i usklađivanje organizacije i poslovanja Bolnice sa odredbama Zakona o zdravstvenoj zaštiti (Sl.novine Federacije Bosne i Hercegovine "br. 46/10 i 75/13), ( u daljem tekstu Federalni zakon).*
- (3) *Sjedište Osnivača je u ul. Reisa Džemaludina Čauševića br. 1 u Sarajevu.*

## **Član 3.**

### **(Naziv i sjedište)**

*Bolnica posluje pod nazivom Javna ustanova Psihijatrijska bolnica Kantona Sarajevo ( u daljem tekstu : Bolnica), u državnoj svojini.*

## **Član 4.**

*Sjedište Bolnice je u Sarajevu, ulica Nahorevska broj 248.*

## **Član 5.**

### **(Pečat i štambilj)**

- (1) *Bolnica ima svoj pečat i štambilj.*
- (2) *Pečat Bolnice je okruglog oblika, promjera 50 mm (veliki pečat) i 30 mm (mali pečat), u kome je koncentričnim krugovima upisan tekst: Javna ustanova Psihijatrijska bolnica Kantona Sarajevo.*

- (3) *Štambilj Bolnice je pravougaonog oblika promjera 50 x 20 mm u kome je u gornjem dijelu upisan tekst iz stava 2. ovog člana, a ispod teksta su upisani podaci utvrđeni propisima o kancelarijskom poslovanju.*
- (4) *Odluku o broju pečata i štambilja, njihovoj upotrebi i čuvanju donosi direktor Bolnice.*
- (5) *Tekst pečata ispisuje se istovremeno latinicom i ćirilicom.*

#### **Član 6.**

##### **(Status pravnog lica)**

*Bolnica ima svojstvo pravnog lica i upisana je u sudski registar kod nadležnog suda u Sarajevu.*

#### **Član 7.**

*Bolnica je pravni sljednik dosadašnje Javne ustanove Psihijatrijska bolnica Kantona Sarajevo.*

#### **Član 8.**

##### **(Prava i obaveze Bolnice)**

- (1) *Bolnica zadržava objekte i opremu na korištenje, zaposlenike, odnosno sva prava i obaveze Javne ustanove Psihijatrijska bolnica Kantona Sarajevo.*
- (2) *Objekti i oprema iz stava 1. ovog člana su svojina Osnivača.*
- (3) *Međusobna prava i obaveze između Bolnice i Osnivača utvrđena su Federalnim Zakonom, Zakonom o ustanovama ("Službene novine Republike Bosne i Hercegovine" br.6/92, 8/93 i 13/94) i Odlukom o preuzimanju prava i obaveza Osnivača i usklađivanju organizacije i poslovanja Bolnice (" Službene novine Kantona Sarajevo" broj: 7/12).*

#### **Član 9.**

##### **(Djelatnost)**

- 1) *Djelatnost Bolnice je pružanje usluga specijalističko-konsultativne i bolničke zdravstvene zaštite u oblasti psihijatrije, na sekundarnom nivou, na području Kantona Sarajevo, a koja obuhvata:*
  - a) *liječenje i njegu duševnih bolesnika primjenom standardnih dijagnostičkih i terapeutskih postupaka tokom 24 sata,*
  - b) *liječenje i njegu starih i iznemoglih lica ( gerijatrijska psihijatrija ),*

- c) *medicinsku rehabilitaciju oboljelih,*
  - d) *pružanje konsultativne zdravstvene zaštite po zahtjevu primarne zdravstvene zaštite,*
  - e) *konzilijarnu zaštitu uz učešće konzilija zdravstvenih zaposlenika različitih specijalnosti,*
  - f) *preduzimanje posebnih mjera i programe za sprečavanje i rano otkrivanje psihotičnih stanja (stručno-metodološka pomoć),*
  - g) *psihijatrijski – okupacioni tretman,*
  - h) *zdravstveno prosvječivanje pacijenata,*
  - i) *naučno istraživački rad,*
  - j) *stručno osposobljavanje i obrazovanje svih profila i nivoa stručnosti.*
- (2) *U okviru djelatnosti iz stave 1. ovog člana Bolnica ima 70 bolničkih postelja, a u svom sastavu ima bolnička odjeljenja, odnosno jedinice:*
- a) *Odjeljenje za biološku psihijatriju ( intenzivna njega ),*
  - b) *Odjeljenje za kliničku psihijatriju ( muško poluotvoreno odjeljenje )*
  - c) *Odjeljenje za kliničku psihijatriju ( žensko poluotvoreno odjeljenje ),*
  - d) *Odjeljenje za gerijatrijsku psihijatriju,*
  - e) *Jedinica za laboratorijsku, radiološku i drugu djelatnost,*
  - f) *Jedinica za snadbijevanje lijekovima.*

### **Član 10.**

*(1) U skladu sa Odlukom o klasifikaciji djelatnosti Bosne i Hercegovine 2010 (“Službeni glasnik BiH “ broj 47/10 ), djelatnost Bolnice obuhvata slijedeće razrede:*

- a) *86.10 - Djelatnost Bolnica*
- b) *86.22 – Djelatnost specijalističke medicinske prakse*
- c) *86.90 – Ostale djelatnosti zdravstvene prakse*
- d) *63.11 – Obrada podataka.*

## **Član 11.**

### **( Statusne promjene i promjene djelatnosti )**

- (1) *Bolnica ne može vršiti statusne promjene ( promjenu naziva, sjedišta i druge promjene utvrđene Zakonom ), bez saglasnosti Osnivača.*
- (2) *Promjenu ili proširenje djelatnosti Bolnice ne može se obaviti bez saglasnosti Ministra zdravstva Kantona Sarajevo (Ministar), koja se daje u formi rješenja , a na način i u postupku propisanim Federalnim Zakonom.*
- (3) *Inicijativu za statusne promjene donosi Upravni odbor, uz predhodnu saglasnost Osnivača.*
- (4) *U cilju efikasnijeg izvršenja djelatnosti, inicijativu za promjenu ili proširenje djelatnosti donosi Upravni odbor, uz predhodnu saglasnost Ministra.*

## **Član 12.**

### **( Unutrašnja organizacija Bolnice )**

(1) *Bolnica obavlja poslove iz svoje djelatnosti u slijedećim organizacijskim jedinicama:*

- a) *Uprava*
- b) *Sektor medicinskih poslova*
- c) *Sektor nemedicinskih poslova*

(2) *Upravu sačinjava:*

- a) *direktor*
- b) *glavni medicinski tehničar-sestra*

(3) *Sektor medicinskih poslova sačinjavaju slijedeće organizacione jedinice-službe:*

- a) *prijemna služba,*
- b) *odjeljenje intenzivne i poluintenzivne njege,*
- c) *muško odjeljenje poluzatvorenog tipa,*
- d) *žensko odjeljenje poluzatvorenog tipa,*

- e) *internistički kabinet,*
- f) *neurofiziološki kabinet,*
- g) *kabinet za okupacionu terapiju,*
- h) *ambulanta za katamnestičko praćenje,*
- i) *apoteka Bolnice*
- j) *kabinet medicinskih saradnika*

*(4) Sektor nemedicinskih poslova sačinjava:*

- a) *služba pravno kadrovskih poslova,*
- b) *služba ekonomsko finansijskih poslova,*
- c) *tehnička služba.*

### **Član 13.**

- (1) Djelokrug rada odjeljenja i stručnih službi odnosno unutrašnja organizacija uređuje se posebnim Pravilnikom o unutrašnjoj organizaciji i sistematizaciji radnih mjesta.*
- (2) Odjeljenjem rukovodi šef odjeljenja, a stručnom službom šef službe koje imenuje direktor Bolnice.*
- (3) Uslove koje treba da ispunjava šef odjeljenja, odnosno šef stručne službe utvrđuje se posebnim aktom.*

## **DIO DRUGI – ODGOVORNOST I OBAVEZE PREMA OSNIVAČU**

### **Član 14.**

**( Odgovornost i obaveze prema Osnivaču )**

*(1) Prava i obaveze između Bolnice i Osnivača utvrđeni su :*

- a) *Federalnim zakonom;*
- b) *Zakonom o ustanovama i*

- c) *Odlukom o preuzimanju prava i obaveza Osnivača i usklađvanju organizacije poslovanja Javne ustanove Psihijatrijska bolnica Kantona Sarajevo( "Sl.novine Kantona Sarajevo "broj: 7 /12).*

*(2) Prava i obaveze između Bolnice i Osnivača , koja nisu regulisana aktima iz stava 1. ovog člana, uredit će se posebnim ugovorom.*

#### **Član 15.**

*U slučaju nesaglasnosti između Upravnog odbora i direktora Bolnice , oko rješavanja pitanja za izvršenje djelatnosti Bolnice , Upravni odbor i direktor su dužni izvjestiti Ministra.*

#### **Član 16.**

##### **( Zakup )**

- (1) Bolnica može dio svojih zdravstvenih i nezdravstvenih kapaciteta (prostor i opremu) izdati u zakup , ukoliko to ne remeti obavljanje djelatnosti Bolnice.*
- (2) Upravni odbor Bolnice svake kalendarske godine Odlukom utvrđuje višak zdravstvenog i nezdravstvenog prostora, a uz predhodno pribavljeno pozitivno mišljenje Federalnog Ministra zdravstva.*
- (3) Nakon pribavljenog pozitivnog mišljenja Ministra i Odluke Upravnog odbora Bolnice, direktor Bolnice raspisuje javni oglas za prikupljanje ponuda za davanje u zakup jedinica zakupa, u skladu sa Federalnim Zakonom i propisima koji regulišu oblast javnih nabavki.*

#### **Član 17.**

##### **(Sredstva rada)**

*Sredstava za rad i razvoj, Bolnica ostvaruje:*

- a) *ugovorom sa Zavodom zdravstvenog osiguranja Kantona Sarajevo,*
- b) *ugovorom sa Zavodom zdravstvenog osiguranja i reosiguranja Federacije BiH,*
- c) *ugovorom sa Ministarstvom zdravstva Kantona Sarajevo ( u daljem tekstu Ministarstvo),*
- d) *ugovorom sa fakultetima i drugim visokim školama zdravstvenog usmjerenja,*
- e) *ugovorom na osnovu proširenog i dobrovoljnog zdravstvenog osiguranja, iz sredstava Osnivača,*



- (f) *iz sredstava Budžeta Federacije, Kantona odnosno jedinica lokalne samouprave,*
- (g) *iz učešća korisnika zdravstvene zaštite u pokriću dijela ili ukupnih troškova zdravstvene zaštite,*
- (h) *slobodnom prodajom usluga na tržištu,*
- (i) *od pravnih i fizičkih lica na temelju ugovora koji reguliše međusobna prava i obaveze, i*
- (j) *iz drugih izvora na način i pod uslovima određenim Zakonom, aktom o osnivanju i ovim Statutom.*

### **Član 18.**

*Raspodjela sredstava za rad i razvoj Bolnice vrši se u skladu sa Zakonom ili drugim propisima.*

### **Član 19.**

#### **( Prihodi i rashodi )**

- (1) *Ukoliko Bolnica u završnom računu poslovanja iskaže dobit (višak prihoda nad rashodima) ostvareni iznos usmjerava se za obnavljanje i razvoj djelatnosti Bolnice.*
- (2) *Pod razvojem djelatnosti u smislu iz stava 1. ovog člana podrazumijeva se ulaganje sredstava u nabavku opreme odnosno rekonstrukciju postojećeg prostora za potrebe uvođenja novih metoda.*
- (3) *Ostvarena dobit usmjerit će se za pokriće gubitaka iz predhodnih godina i za formiranje rezervi.*

### **Član 20.**

- (1) *Ukoliko Bolnica u završnom računu poslovanja iskaže gubitak ( višak rashoda nad приходima), taj gubitak (višak rashoda) se mora pokriti iz predhodno formiranih rezervi, akumulirane dobiti Bolnice, sredstava Osnivača i na drugi način predviđenih Zakonom.*
- (2) *Gubitak tekuće godine knjiži se u skladu s Međunarodnim računovodstvenim standardima i odredbama Statuta.*
- (3) *Pokriće gubitka će se utvrditi posebnom Odlukom.*

### **Član 21.**

#### **( Odgovornost za rezultate rada)**

1) Bolnica je odgovorna Osnivaču za rezultate svog rada i djelovanja u svim oblastima za koje je nadležna.

(2) Obaveze Bolnice prema Osnivaču su:

- a) da pribavi saglasnost Osnivača kod svih statusnih promjena,
- b) da pribavi saglasnost Osnivača kod donošenja Statuta,
- c) da pribavi saglasnost Osnivača kod donošenja godišnjeg programa rada sa finansijskim planom,
- d) da najmanje jednom godišnje podnosi Osnivaču Izvještaj o radu i finansijskom poslovanju Bolnice, koji sadrži: Izvještaj o izvršenju godišnjeg programa rada, Izvještaj o finansijskom poslovanju, Izvještaj o radu Upravnog odbora, Izvještaj o radu direktora Izvještaj o radu Nadzornog odbora;
- e) da pribavi saglasnost Ministarstva kod proširenja i promjene djelatnosti;
- f) da pribavi saglasnost Ministarstva kod donošenja Pravilnika o radu, unutrašnjoj organizaciji i sistematizaciji radnih mjesta;
- g) druge obaveze utvrđene Zakonom.

## **Član 22.**

- (1) Bolnica je odgovorna za svoje obaveze imovinom kojom raspolaže – potpuna odgovornost.
- (2) Osnivač Bolnice je supsidijarno odgovoran za obaveze Bolnice, do visine osnivačkog uloga.

## **DIO TREĆI - ORGANI UPRAVLJANJA, RUKOVOĐENJA I DRUGI ORGANI**

## **Član 23.**

**(Upravni odbor)**

- (1) Organ upravljanja u Bolnici je Upravni odbor.
- (2) Upravni odbor ima pet članova i čine ga predstavnici:

- a) Osnivača - tri člana, od kojih jedan mora biti ispred Ministarstva zdravstva Kantona Sarajevo,
- b) stručnih radnika Bolnice dva člana, od kojih jedan mora biti iz reda zdravstvenih radnika.
- (3) Predsjednika i članove Upravnog odbora Bolnice imenuje i razriješava Vlada Kantona Sarajevo (u daljem tekstu: Vlada), na način i u skladu sa Zakonom o ministarskim, vladinim i drugim imenovanjima Federacije Bosne i Hercegovine („Sl. novine FBiH“ br. 12/03, 34/03 i 65/13).
- (4) Mandat predsjednika i članova Upravnog odbora traje četiri godine i mogu biti ponovo imenovani.
- (5) Predsjednik Upravnog odbora saziva sjednice Upravnog odbora, rukovodi istim i obavlja druge poslove na način i u skladu sa Poslovníkom o radu Upravnog odbora.
- (6) Mjesečnu naknadu za rad Predsjednika i članova Upravnog odbora Bolnice utvrđuje Vlada Kantona Sarajevo na prijedlog Ministra.
- (7) Naknada iz stava 5. ovog člana isplaćuje se iz sredstava Bolnice.
- (8) Predsjednik, član odnosno članovi Upravnog odbora Bolnice mogu biti razriješeni i prije isteka mandata na koji su imenovani u sljedećim slučajevima:
- a) ako se ne pridržava uputa i smjernica Osnivača,
  - b) ako učestvuje u donošenju nezakonitih akata ili odluka kojim se nanosi šteta Bolnici,
  - c) ako podnese ostavku na mjesto predsjednika odnosno člana Upravnog odbora Bolnice,
  - d) ako se utvrdi da je odgovoran za neuspješan i nezakonit rad Bolnice,
  - e) ako Skupština Kantona Sarajevo ne usvoji godišnji izvještaj o radu i finansijskom poslovanju Bolnice,
  - f) ako svoji radom onemogućava ili otežava rad Upravnog odbora Bolnice,
  - g) ako svojim radom onemogućava ili otežava rad Nadzornog odbora Bolnice,
  - h) ako mu prestane radni odnos u Bolnici, a imenovan je za člana Upravnog odbora Bolnice iz reda stručnih radnika Bolnice,
  - i) ako član Upravnog odbora imenovan iz reda stručnih radnika Bolnice učini težu povredu radne dužnosti,
  - j) imenovanjem za direktora zdravstvene ustanove koja ima status pravne osobe,
  - k) neopravdanim izostankom sa dvije ili više sjednica Upravnog odbora uzastopno ili sa više sjednica u toku uzastopnih šest (6) mjeseci,
  - l) ako bude uposlen na drugoj izabranoj poziciji koja može uticati na eventualni sukob interesa i
  - m) smrću.

## **Član 24.**

- (1) *Član Upravnog odbora može biti opozvan od strane Osnivača u slučajevima ako:*
  - (a) *se ne pridržava uputa i pozitivnih smjernica Osnivača,*
  - (b) *sudjeluje u donošenju nezakonitih Odluka ili Odluka kojima se nanosi šteta Bolnici, a na to je bio upozoren,*
  - (c) *u ostalim slučajevima kada to odredi Osnivač.*
- (2) *Prijedlog za opoziv člana Upravnog odbora iz stava 1. ovog člana, može podnijeti predsjednik Upravnog odbora.*
- (3) *Odluku o opozivu člana Upravnog odbora iz stava 1. ovog člana, donosi tijelo koje ga je imenovalo.*

## **Član 25.**

### **(Djelokrug rada Upravnog odbora)**

- (1) *Upravni odbor radi i odlučuje na sjednicama.*
- (2) *Upravni odbor donosi:*
  - a) *Statut Bolnice uz saglasnost Osnivača;*
  - b) *imenuje i razrješava direktora odnosno v.d.direktora Bolnice;*
  - c) *utvrđuje planove rada i razvoja Bolnice;*
  - d) *utvrđuje godišnji program rada Bolnice;*
  - e) *donosi finansijski plan i usvaja godišnji obračun Bolnice;*
  - f) *donosi Pravilnik o radu i Pravilnik o unutrašnjoj organizaciji i sistematizaciji poslova i radnih zadataka uz saglasnost Ministra zdravstva Kantona Sarajevo i druge opšte akte u skladu sa Zakonom i članom 59. Statuta Bolnice;*
  - g) *odlučuje o svim pitanjima obavljanja djelatnosti radi kojih je Bolnica osnovana, ako Zakonom nije određeno da o određenim pitanjima odlučuje drugi organ Bolnice;*
  - h) *usmjerava , kontroliše i ocjenjuje rad direktora Bolnice;*

- i) rješava sva pitanja odnosa s Osnivačem;*
- j) odlučuje o korištenju sredstava preko iznosa utvrđenog Statutom Bolnice;*
- k) odgovara Osnivaču za rezultate rada Bolnice;*
- l) odlučuje o prigovoru zaposlenika na rješenje kojim je drugi organ, određen Statutom Bolnice, odlučio o pravu , obavezi i odgovornosti zaposlenika iz radnog odnosa;*
- lj) podnosi Osnivaču najmanje jedanput godišnje izvještaj o poslovanju Bolnice,*
- m) obavlja i druge poslove u skladu sa Zakonom i Statutom Bolnice.*

### **Član 26.**

- (1) Predsjednik Upravnog odbora saziva sjednice Upravnog odbora, rukovodi istim i obavlja druge poslove na način i u skladu sa Poslovníkom o radu Upravnog odbora.*
- (2) Upravni odbor donosi odluke većinom glasova članova Upravnog odbora.*
- (3) U radu Upravnog odbora sudjeluje, bez prava odlučivanja, direktor, a po potrebi, predsjednik Stručnog vijeća, te predstavnik Sindikata.*
- (4) Za svoj rad Upravni odbor je odgovoran Ministru i Vladi Kantona Sarajevo.*
- (5) Vlada Kantona Sarajevo će razriješiti predsjednika, člana, odnosno članove Upravnog odbora i prije isteka vremena za koje su imenovani u slučaju da Skupština Kantona Sarajevo ne usvoji godišnji izvještaj o radu i finansijskom poslovanju Bolnice.*
- (6) U slučaju da dođe do prijevremenog razrješenja predsjednika Upravnog odbora, člana, odnosno članova Upravnog odbora , Vlada Kantona Sarajevo će istovremeno imenovati V.D. predsjednika i V.D.članove dok se ne provede zakonska procedura imenovanja.*

### **Član 27.**

#### **(Direktor)**

- (1) Organ rukovođenja u Bolnici je direktor.*
- (2) Direktor organizuje i vodi poslovanje Bolnice.*

- (3) *Direktor predstavlja i zastupa Bolnicu u zemlji i inostranstvu.*
- (4) *Direktor Bolnice je ovlašten da u ime i za račun Bolnice zaključuje Ugovore.*
- (5) *Direktor Bolnice ima sva ovlaštenja u pravnom prometu u okviru djelatnosti Bolnice upisane u sudski registar, uz ograničenja utvrđena ovim Statutom:*
  - a) *Direktor Bolnice raspolaže finansijskim sredstvima utvrđenim Finansijskim planom Bolnice usvojenim od strane Upravnog odbora na koji saglasnost daje Osnivač.*
  - b) *Direktor Bolnice, u skladu sa Finansijskim planom Bolnice i Planom nabavki Bolnice, samostalno zaključuje pojedinačne ugovore za nabavku roba i usluga čija je vrijednost procijenjena do iznosa 50.000 KM, a za nabavku radova čija je vrijednost procijenjena do iznosa 80.000 KM.*
  - c) *Za zaključivanje pojedinačnih ugovora čija je vrijednost procijenjena na iznose preko 50.000 KM za nabavku roba i usluga, odnosno preko 80.000 KM za nabavku radova, Direktor bolnice je potrebna prethodna saglasnost Upravnog odbora Bolnice.*
  - d) *Za finansijska sredstva koja se odnose na plaće zaposlenika i druga prava zaposlenika iz radnog odnosa koja nemaju karakter plaće, direktor Bolnice odlučuje u skladu sa Finansijskim planom Bolnice, Pravilnikom o radu Bolnice i drugi opći aktima kojima su regulisana prava iz radnog odnosa.*
  - e) *Za finansijska sredstva koja se odnose na isplate po osnovu: edukacija, stručnih usavršavanja, službenih putovanja, pomoći, donacija, pozajmica i drugih vidova finansijskih izdataka, direktor Bolnice može samostalno odlučivati za svaki pojedinačni vid izdataka, u iznosu do 5.000 KM, a za iznose preko 5.000 KM potrebna mu je prethodna saglasnost Upravnog odbora Bolnice, u skladu sa Finansijskim planom Bolnice, Pravilnikom o radu Bolnice i drugim općim aktima kojima je regulisano naprijed navedeno.*
- (6) *Direktor Bolnice preduzima pravne i druge radnje, zastupa Bolnicu pred sudovima i drugim organima u okviru prava i odgovornosti koje proizilaze iz djelatnosti Bolnice.*
- (7) *Direktor Bolnice može dio svojih ovlaštenja prenijeti na drugo lice.*
- (8) *Direktor je odgovoran za zakonitost rada Bolnice.*

## **Član 28.**

### **(Imenovanje i razrješenje direktora)**

- (1) *Direktor Bolnice imenuje se na osnovu javnog oglasa, u skladu sa Zakonom.*
- (2) *Direktora Bolnice imenuje i razrješava Upravni odbor uz predhodnu saglasnost Ministra.*
- (3) *Lice koje nije dobilo saglasnost za direktora od strane Ministra, ne može na javnom oglasu biti imenovan za direktora , odnosno vršioca dužnosti direktora.*

## **Član 29.**

### **( Uslovi za imenovanje direktora)**

*Za direktora Bolnice može biti imenovano lice koje pored Zakonom propisanih uslova , ispunjava i slijedeće posebne uslove:*

- a) završen medicinski fakultet – VSS,*
- b) da je ljekar specijalista - neuropsihijatar ,*
- c) da ima najmanje 5 ( pet ) godina radnog iskustva u struci,*
- d) da ima znanje o zdravstvenom menadžmentu koje dokazuje certifikatom o obavljenoj edukaciji iz zdravstvenog menadžmenta odnosno završenoj specijalizaciji iz zdravstvenog menadžmenta ili završenom postdiplomskom studiju iz zdravstvenog menadžmenta*
- e) da prezentira program rada i razvoja Bolnice u stručnom i ekonomsko finansijskom smislu za mandatni period,*
- f) da posjeduje komunikacijske i organizacijske sposobnosti za timski rad,*

*g) kandidat koji bude izabran na poziciju direktora Bolnice, a koji je znanje o zdravstvenom menadžmentu, u konkursnoj proceduri, dokazivao certifikatom o obavljenoj edukaciji iz zdravstvenog menadžmenta - operativni menadžment (osnovni nivo), obavezan je u roku 24 mjeseca, računajući od dana imenovanja na poziciju direktora Bolnice, steći znanje iz zdravstvenog menadžmenta (napredni nivo), ili završiti specijalizaciju iz zdravstvenog menadžmenta odnosno završiti postdiplomski studij iz zdravstvenog menadžmenta.*

*Ukoliko zatečeni direktor Bolnice znanje o zdravstvenom menadžmentu dokazuje certifikatom o obavljenoj edukaciji iz zdravstvenog menadžmenta - operativni menadžment (osnovni nivo), obavezan je u roku od 24 mjeseca, računajući od dana stupanja na snagu Pravilnika o izmjenama Pravilnika o uvjetima u pogledu vrste završenog fakulteta zdravstvenog usmjerenja, koje mora ispuniti osoba koja konkuriše za direktora zdravstvene ustanove, steći znanje iz zdravstvenog menadžmenta (napredni nivo), ili završiti specijalizaciju iz zdravstvenog menadžmenta odnosno završiti postdiplomski studij iz zdravstvenog menadžmenta.*

## **Član 30.**

### **(Izveštaj o poslovanju)**

- (1) Direktor podnosi Upravnom odboru Izveštaj o cjelokupnom poslovanju Bolnice u pisanoj formi jednom u tri mjeseca.*
- (2) Direktor Bolnice učestvuje u radu Upravnog odbora , bez prava odlučivanja.*

### **Član 31.**

#### **(Mandat direktora)**

- (1) *Mandat direktora Bolnice traje četiri godine.*
- (2) *Po isteku mandata, isto lice može na osnovu javnog oglasa ponovo biti imenovano za direktora Bolnice, ali najviše za još jedan mandatni period.*

### **Član 32.**

#### **(Javni oglas)**

- (1) *Javni oglas za direktora Bolnice raspisuje Upravni odbor, dva mjeseca prije isteka mandata direktora Bolnice.*
- (2) *Proceduru javnog oglasa provodi Komisija koju imenuje Upravni odbor Bolnice.*
- (3) *Ako direktor nije imenovan u skladu sa Zakonom, u roku od 60 dana od dana isteka oglasnog roka, kao i u drugim slučajevima prestanka mandata direktora, Odluku o postavljenju vršioca dužnosti direktora donosi Upravni odbor Bolnice, najduže za period od 6 (šest) mjeseci, a u skladu sa Federalnim zakonom i Statutom Bolnice.*

### **Član 33.**

*Upravni odbor će bez javnog oglasa imenovati vršioca dužnosti direktora iz reda uposlenika Bolnice, a koji je specijalista neuropsihijatar. Vršilac dužnosti direktora ima sva prava i dužnosti direktora.*

### **Član 34.**

#### **(Informacija učesnika u javnom oglasu)**

- (1) *O Odluci o imenovanju direktora obavještavaju se svi učesnici u javnom oglasu, najkasnije u roku od 8 (osam) dana od dana donošenja Odluke.*
- (2) *Svaki učesnik u javnom oglasu, u roku od 8 (osam) dana od dana prijema obavještenja, može protiv Odluke o imenovanju direktora podnijeti tužbu za pokretanje postupka pred nadležnim Sudom.*



## **Član 35.**

### **(Obaveze i odgovornosti direktora)**

- (1) *U ostvarivanju rukovođenja Bolnicom, direktor predlaže Upravnom odboru mjere za efikasno i zakonito obavljanje djelatnosti, unutrašnju organizaciju i sistematizaciju i osnove planova rada i razvoja, izvršava Odluke Upravnog odbora, odlučuje o pravima, obavezama i odgovornostima radnika iz radnog odnosa u prvom ili drugom stepenu ukoliko nije Zakonom ili opštim aktima Bolnice drugačije utvrđeno, podnosi Upravnom odboru Izvještaj o finansijskom poslovanju i vrši druge poslove u skladu sa Zakonom, ovim Statutom i drugim opštim aktima Bolnice.*
- (2) *Direktor je dužan da obustavi od izvršenja opšti akt koji je u nesaglasnosti sa Ustavom ili u suprotnosti sa Zakonom, kao i pojedinačni akt kojim se nanosi šteta Bolnici ili društvenoj zajednici, te je dužan da o tome izvjesti organ uprave koji vrši nadzor nad zakonitosti rada Bolnice.*
- (3) *Direktor je naredbodavac za izvršenje finansijskog plana.*
- (4) *Direktor je odgovoran Upravnom odboru za rezultate rada i finansijsko poslovanje Bolnice.*

## **Član 36.**

### **( Izvršenje poslova direktora )**

*U izvršenju poslova iz svoje nadležnosti, direktor samostalno donosi: Odluke, naredbe, rješenja, uputstva i dr.*

## **Član 37.**

### **(Razrješenje direktora prije isteka mandata )**

- (1) *Direktor može biti razriješen dužnosti i prije isteka mandata na koji je imenovan u skladu sa Federalnim zakonom i Statutom Bolnice.*
- (2) *U slučaju razrješenja direktora imenovat će se vršitelj dužnosti direktora, a Upravni odbor dužan je raspisati oglas za direktora u roku od 30 dana od dana imenovanja vršitelja dužnosti direktora.*
- (3) *Upravni odbor je dužan razriješiti direktora i prije isteka mandata za koji je imenovan, ako:*

- a) *lično zahtijeva*
  - b) *nastane neki razlog koji po posebnim propisima ili propisima kojima se utvrđuju radni odnosi dovede do prestanka Ugovora o radu,*
  - c) *ne izvršava ugovorene obaveze prema Zavodu zdravstvenog osiguranja Kantona Sarajevo i prema Federalnom zavodu zdravstvenog osiguranja i reosiguranja,*
  - d) *ne provodi program rada i razvoja Bolnice koji je donio Upravni odbor,*
  - e) *u obavljanju djelatnosti Bolnice nastane neopravdan gubitak,*
  - f) *u svom radu krši propise i opšte akte Bolnice ili neopravdano ne izvršava Odluke Upravnog odbora ili postupa u suprotnosti sa njima,*
  - g) *svojim nesavjesnim ili neopravdanim radom prouzrokuje Bolnici veću štetu, zanemaruje ili nemarno obavlja svoju dužnost, tako da su nastale ili mogu nastati veće smetnje u obavljanju djelatnosti Bolnice,*
  - h) *nalazom zdravstvene inspekcije se ustanovi povreda propisa i opštih akata Bolnice ili nepravilnosti u radu direktora,*
  - i) *Skupština Kantona Sarajevo ne usvoji godišnji izvještaj o radu i finansijskom poslovanju“.*
- (4) *Ako Upravni odbor ne razriješi direktora iz navedenih razloga u roku od 30 dana od dana saznanja za neki od navedenih razloga, rješenje o razrješenju direktora donosi Ministar zdravstva Kantona Sarajevo.*
- (5) *Upravni odbor mora prije donošenja Odluke o razrješenju obavijestiti direktora o razlozima za razrješenje i dati mu mogućnost da se o njima izjasni.*

### **Član 38.**

#### **(Nadzorni odbor )**

- (1) *Nadzorni odbor je organ kontrole poslovanja u Bolnici, i sastoji se od tri člana.*

- (2) *Predsjednika i članove Nadzornog odbora imenuje i razrješava Vlada Kantona Sarajevo po proceduri i u skladu sa Zakonom o Ministarskim i drugim imenovanjima FBiH ( " Sl.novine FBiH" br.12/03, 34/03 i 65/13).*
- (3) *Predsjednik Nadzornog odbora saziva sjednice Nadzornog odbora, rukovodi istim i obavlja druge poslove na način i u skladu sa Poslovníkom o radu Nadzornog odbora.*
- (4) *Nadzorni odbor ima tri člana od kojih se najmanje jedan imenuje se iz reda stručnih radnika zaposlenih u Bolnici,*
- (5) *Predsjednik i članovi Nadzornog odbora imenuju se na period od četiri godine i mogu biti ponovo imenovani.*
- (6) *Mjesečnu naknadu za rad Predsjednika i članova Nadzornog odbora Bolnice utvrđuje Vlada Kantona Sarajevo na prijedlog Ministra zdravstva Kantona Sarajevo.*
- (7) *Naknade iz predhodnog stava isplaćuju se iz sredstava Bolnice.*

### **Član 39.**

- (1) *Vlada Kantona Sarajevo će razriješiti predsjednika, člana , odnosno članove Nadzornog odbora i prije isteka vremena za koje su imenovani u slučaju da Skupština Kantona Sarajevo ne usvoji Godišnji izvještaj o radu i finansijskom poslovanju Bolnice.*
- (2) *Predsjednik, član odnosno članovi Nadzornog odbora Bolnice mogu biti razriješeni i prije isteka mandata na koji su imenovani u slijedećim slučajevima:*
  - a) *ako se ne pridržava uputa i smjernica Osnivača,*
  - b) *ako učestvuje u donošenju nezakonitih akata ili odluka koji se nanosi šteta Bolnici,*
  - c) *ako podnese ostavku na mjesto predsjednika odnosno člana Nadzornog odbora Bolnice,*
  - d) *ako se utvrdi da je odgovoran za neuspješan i nezakonit rad Bolnice,*
  - e) *ako Skupština Kantona Sarajevo ne usvoji godišnji izvještaj o radu i finansijskom poslovanju Bolnice,*
  - f) *ako svojim radom onemogućava ili otežava rad Nadzornog odbora Bolnice,*
  - g) *ako mu prestane radni odnos u Bolnici, a imenovan je za člana Nadzornog odbora Bolnice iz reda stručnih radnika Bolnice,*
  - h) *ako član Nadzornog odbora imenovan iz reda stručnih radnika Bolnice učini težu povredu radne dužnosti,*
  - i) *imenovanjem za direktora zdravstvene ustanove koja ima status pravne osobe,*
  - j) *neopravdanim izostankom sa dvije ili više sjednica Nadzornog odbora uzastopno ili sa više sjednica u toku uzastopnih šest (6) mjeseci,*

- k) *ako bude uposlen na drugoj izabranoj poziciji koja može utjecati na eventualni sukob interesa i*
- l) *smrću.*

*(3) U slučaju da dođe do prijevremenog razrješenja predsjednika, člana odnosno članova Nadzornog odbora, Vlada Kantona Sarajevo će istovremeno imenovati v.d. članove Nadzornog odbora, do okončanja procedure konačnog imenovanja.*

#### **Član 40.**

*Nadzorni odbor:*

- a) *analizira izvještaje o poslovanju,*
- b) *vrši nadzor nad upotrebom sredstava za rad,*
- c) *pregleda godišnji izvještaj o poslovanju i godišnji obračun,*
- d) *pregleda i provjerava urednost i zakonitost vođenja poslovnih knjiga,*
- e) *izvještava Osnivača, Upravni odbor i Direktora o rezultatima nadzora.*

### **DIO ČETVRTI - DRUGI ORGANI BOLNICE**

#### **Član 41.**

**(Stručno vijeće)**

- 1) *Stručno vijeće je savjetodavno tijelo direktora.*
- 2) *Stručno vijeće imenuje direktor na prijedlog šefova odjeljenja.*
- 3) *U radu Stručnog vijeća mogu učestvovati i zdravstveni saradnici, te druga lica potrebna za njegov rad.*

#### **Član 42.**

- 1) *Direktor sudjeluje u radu Stručnog vijeća.*
- 2) *Predsjednika Stručnog vijeća imenuje direktor Bolnice i njegov mandat utvrđen je Poslovníkom o radu.*
- 3) *Stručno vijeće se sastaje svakodnevno, a po potrebi i vanredno.*
- 4) *Stručno vijeće donosi Poslovník o svom radu na koji saglasnost daje direktor Bolnice.*

- 5) *Stručno vijeće Bolnice:*
- a) *raspravlja i odlučuje o pitanjima iz područja stručnog rada Bolnice,*
  - b) *predlaže stručna rješenja u sklopu djelatnosti Bolnice,*
  - c) *predlaže stručne temelje za program rada i razvoja Bolnice,*
  - d) *predlaže mjere za unapređenje kvaliteta i sigurnosti rada u Bolnici,*
  - e) *daje Upravnom odboru i direktoru mišljenja i prijedloge u pogledu organizacije rada i uslova za razvoj djelatnosti u skladu sa finansijskim mogućnostima,*
  - f) *predlaže specijalističko usavršavanje zdravstvenih radnika i saradnika, te stručno usavršavanje iz oblasti subspecijalnosti zdravstvenih radnika i zdravstvenih saradnika za potrebe Bolnice,*
  - g) *predlaže Upravnom odboru obavljanje dopunskog rada zdravstvenih radnika u slučajevima od posebnog interesa za građane i rad Bolnice,*
  - h) *predlaže članove Upravnog odbora iz reda zaposlenika Bolnice,*
  - i) *brine se o provođenju unutrašnjeg nadzora nad stručnim radom zdravstvenih radnika i saradnika Bolnice.*

### **Član 43.**

1) *Bolnica ima i druga tijela koja obrazuje Upravni odbor odnosno direktor Bolnice.*

2) *Na prijedlog direktora Bolnice Upravni odbor imenuje:*

- a) *Etički komitet,*
- b) *Komisiju za lijekove,*
- c) *Komisiju za suzbijanje bolničkih infekcija,*

(3) *Direktor na prijedlog stručnog vijeća imenuje:*

- a) *Komisiju za poboljšanje kvaliteta i sigurnost zdravstvenih usluga,*
- b) *Komisiju za prigovore pacijenata,*
- c) *Komisiju za dopunski rad.*

(4) *Prava i obaveze, odgovornosti i način rada tijela iz stava 1. ovog člana, bliže se uređuje ovim*

*statutom i Poslovníkom o radu.*

#### **Član 44.**

##### **( Etički komitet)**

- (1) *Etički komitet Bolnice je organ koji osigurava obavljanje djelatnosti na načelu etike i medicinske deontologije.*
- (2) *Upravni odbor na prijedlog direktora Bolnice imenuje članove i zamjenike Etičkog komiteta.*
- (3) *Etički komitet imenuje se na period od četiri ( 4 ) godine.*
- (4) *Visinu naknade za rad članova Etičkog komiteta određuje direktor Bolnice, a isplaćuje se iz sredstava Bolnice.*
- (5) *Etički komitet sačinjava najmanje devet članova, od kojih jedan član treba biti iz reda nezdravstvenih radnika Bolnice, a dva člana imenuju se iz druge zdravstvene ustanove.*
- (6) *Bolnica može imenovati zajednički Etički komitet sa dvije ili više ustanova sa područja Kantona Sarajevo a čiji je Osnivač Skupština Kantona Sarajevo.*

#### **Član 45.**

*Etički komitet Bolnice:*

- a) *prati primjenu etike i medicinske deontologije u obavljanju djelatnosti Bolnice,*
- b) *bavi se analizom i prijedlozima propisa iz oblasti zdravstva sa aspekta etike i medicinske deontologije,*
- c) *daje saglasnost za provođenje medicinskih i naučnih ispitivanja,*
- d) *prati povrede prava pacijenata i sistemski radi na unapređenju stanja u ovoj oblasti u skladu sa Zakonom o pravima, obavezama i odgovornostima pacijenata,*
- e) *sarađuje sa nadležnom komorom zdravstvenih radnika Kantona Sarajevo,*
- f) *rješava i druga etička pitanja u obavljanju djelatnosti Bolnice.*

## **Član 46.**

### **(Komisija za lijekove)**

- (1) *Komisiju za lijekove imenuje Upravni odbor Bolnice na prijedlog direktora Bolnice.*
- (2) *Komisija za lijekove broji pet (5) članova .*
- (3) *U Komisiju se imenuju ljekari specijalisti – neuropsihijatri i magistri farmacije (apotekar Bolnice).*
- (4) *Dvije ili više zdravstvenih ustanova sa područja Kantona Sarajevo mogu imenovati zajedničku Komisiju za lijekove.*
- (5) *Odredbe o načinu rada i odlučivanja Komisije određuje se Poslovníkom o radu Komisije.*

## **Član 47.**

*Predsjednik i članovi Komisije dužni su da osiguraju provedbu:*

- a) svih aktivnosti vezanih uz primjenu lijekova i medicinskih sredstava u Bolnici,*
- b) praćenja i poduzimanja mjera za izbjegavanje smanjivanje nuspojava lijekova i medicinskih sredstava, kao i koordiniranje aktivnosti u vezi sa prijavom nuspojava lijekova i medicinskih sredstava nadležnom državnom organu sa propisom o lijekovima i medicinskim sredstvima,*
- c) praćenja potrošnje lijekova i medicinskih proizvoda, te predlaganja mjera za racionalnu upotrebu lijekova i medicinskih sredstava u Bolnici,*
- d) poduzimanja mjera sa ciljem izbjegavanja interakcija, terapijskog dupliranja ili pojave alergije kod upotrebe lijekova u Bolnici,*
- e) pripremanja tenderske dokumentacije u postupcima javnih nabavki lijekova i medicinskih sredstava, i drugih poslova u skladu sa Zakonom o zdravstvenoj zaštiti i Zakonom o lijekovima i medicinskim sredstvima.*

## **Član 48.**

### **(Komisija za poboljšanje kvaliteta i sigurnosti zdravstvenih usluga )**

- (1) *Komisiju za poboljšanje kvaliteta i sigurnosti zdravstvenih usluga imenuju se iz reda*

*zdravstvenih radnika i zdravstvenih saradnika Bolnice.*

- (2) *Komisiju imenuje direktor Bolnice na prijedlog Stručnog vijeća.*
- (3) *Komisijom rukovodi koordinator Komisije.*
- (4) *Poslovníkom o radu Komisije bliže se uređuje broj članova Komisije, način rada i odlučivanje Komisije, te druga pitanja od značaja za rad Komisije.*

#### **Član 49.**

*Komisija iz člana 47. stava 1. ovog Statuta obavlja poslove i zadatke u pogledu:*

- a) *uspostavljanja sistema poboljšanja i sigurnosti zdravstvenih usluga,*
- b) *pribavljanja relevantnih podataka i informacija potrebnih za unutrašnju i vanjsku provjeru kvaliteta i sigurnosti zdravstvenih usluga,*
- c) *izvršavanja unutrašnje provjere kvaliteta i sigurnosti zdravstvenih usluga na osnovu opšteg akta Bolnice,*
- d) *prati, razmatra i predlaže mjere za unapređenje zaštite prava pacijenata na osnovu unutrašnje provjere kvaliteta i bezbjednosti zdravstvenih usluga koji su propisani odgovarajućim akreditacijskim standardima i kriterijima,*
- e) *analizira i ocjenjuje primjenu predloženih mjera za poboljšanje kvaliteta zdravstvenih usluga,*
- f) *učestvovanje kod zdravstveno-inspekcijskog nadzora i izjašnjavanja o nalazu zdravstvenog farmaceutskog inspektora,*
- g) *učestvovanje kod vanjske provjere kvaliteta i sigurnosti zdravstvenih usluga u Bolnici,*
- h) *saradnje sa Agencijom, Komisijama drugih zdravstvenih ustanova i drugim ustanovama iz ove oblasti,*
- i) *sarađuje sa Komisijom za prigovore pacijenata, uvezuje podatke o prigovorima pacijenata sa podacima o incidentima (nepovoljnim događajima) i sudskim postupcima u cilju upravljanja bolničkim i nebolničkim rizicima,*
- j) *obavlja i druge poslove koje odredi Agencija , odnosno koji proizilaze iz odredbi Zakona o sistemu poboljšanja kvaliteta, sigurnosti o akreditaciji u zdravstvu i propisa donijetih na osnovu Zakona.*



## **Član 50.**

### ***(Komisija za sprečavanje i suzbijanje Bolničkih infekcija)***

- (1) *U cilju provođenja mjera za sprečavanje i suzbijanje bolničkih infekcija u Bolnici imenuje se bolnička Komisija.*
- (2) *Komisiju imenuje Upravni odbor na prijedlog direktora.*
- (3) *Komisija broji pet (5) članova i to: četiri člana imenuju se iz reda zdravstvenih radnika Bolnice i jedan vanjski član doktor - specijalista (mikrobiolog,infektolog ili epidemiolog).*
- (4) *Mandat članova Komisije traje 4 (četiri) godine i mogu biti ponovo birani.*

## **Član 51.**

*Komisija je dužna da obavlja slijedeće poslove:*

- a) *utvrđuje mjere za sprečavanje i suzbijanje bolničkih infekcija u svojoj zdravstvenoj ustanovi i donose program za kontrolu bolničkih infekcija,*
- b) *donosi preporuke / procedure za pojedine postupke pri dijagnostici, njezi i liječenju pacijenata periodično, te svake dvije godine revidira pismene preporuke,*
- c) *donosi godišnji plan rada,*
- d) *određuje stručne prioritete u suzbijanju bolničkih infekcija prema epidemiološkoj situaciji i postupke u okviru mjera za sprečavanje bolničkih infekcija,*
- e) *određuje prioritete u praćenju bolničkih infekcija i analizira kretanje bolničkih infekcija,*
- f) *prate i nadziru provedbu preporuka i mjera za sprječavanje i suzbijanje bolničkih infekcija,*
- g) *organizira sastanke radi obavještanja bolničkog osoblja o zaključcima svojih sastanaka,*
- h) *donosi plan kontinuirane edukacije svih uposlenih o bolničkim infekcijama,*
- i) *podnosi godišnji izvještaj o radu na praćenju, sprječavanju i suzbijanju bolničkih infekcija upravnom odboru Bolnice, a koji je sastavni dio Izvještaja o radu Bolnice,*

- j) *rad bolničke Komisije odvija se na redovnim sastancima jednom mjesečno, a po potrebi i češće ovisno o učestalosti bolničkih infekcija i epidemiološkoj situaciji,*
- k) *članovi bolničke Komisije za svoj rad odgovorni su Upravnom odboru Bolnice, a za provođenje mjera za sprječavanje i suzbijanje bolničkih infekcija odgovoran je direktor,*
- l) *Komisija saraduje s Komisijom za lijekove, epidemiološkom službom, upravom za inspeksijske poslove Kantona Sarajevo – sanitarnom inspekcijom, Ministarstvom zdravstva i drugim stručnim službama.*

## **Član 52.**

### **(Komisija za prigovore pacijenata )**

- (1) *U Bolnici se radi osiguranja primjene i praćenja poštovanja prava pacijenata imenuje Komisija za prigovore pacijenata.*
- (2) *Komisiju imenuje direktor Bolnice i čine je tri člana.*
- (3) *Mandat članovima Komisije traje četiri godine uz mogućnost ponovnog imenovanja.*
- (4) *Nadležnost Komisije je da :*
  - a) *blagovremeno razmatra prigovore pacijenata i sačinjava izjašnjenje na izjavljene prigovore za Direktora Bolnice,*
  - b) *vodi evidenciju o vrstama i učestalosti prigovora po organizacionim jedinicama i na nivou cijele Bolnice,*
  - c) *analizira statistiku prigovora i izvlači pouke za praksu,*
  - d) *prati aktivnosti na unapređenju zaštite i poštovanja pacijenata na nivou Bolnice kao rezultat prigovora,*
  - e) *analizira pohvale i sugestije pacijenata, s ciljem da se postojeća dobra praksa još više afirmiše i razmjenjuje između organizacionih jedinica Bolnice ,*
  - f) *obavlja i druge poslove u skladu sa Poslovníkom o radu.*
- (5) *Visinu naknade za rad članova Komisije određuje direktor Bolnice ,a ista se isplaćuje iz sredstava Bolnice.*

### **Član 53.**

#### **( Komisija za dopunski rad zdravstvenih radnika )**

- (1) *Dopunski rad zdravstvenim radnicima se odobrava u skladu sa važećim zakonskim i podzakonskim aktima.*
- (2) *Komisiju za dopunski rad imenuje direktor Bolnice, a sačinjava je najmanje 5 ( pet ) članova, koji se imenuju iz reda zdravstvenih radnika Bolnice, a koji su specijalisti neuropsihijatri sa najmanje 10 (deset) godina radnog iskustva i diplomirani pravnik iz Bolnice , uz ravnopravnu zastupljenost oba pola.*
- (3) *Mandat članova Komisije traje 4 (četiri) godine i mogu biti ponovo birani.*
- (4) *Direktor Bolnice donosi Odluku o visini novčane naknade za rad u Komisiji za dopunski rad.*
- (5) *Naknada za dopunski rad iz stava 4. ovog člana isplaćuje iz sredstava Bolnice.*
- (6) *Komisija za dopunski rad donosi Poslovnik o radu kojim se bliže uređuje organizacija i način rada, kao i način glasanja.*
- (7) *Poslovnik o radu podliježe saglasnosti direktora Bolnice*

### **Član 54.**

#### **(Način ostvarivanja rada Bolnice)**

- (1) *Rad Bolnice je javan.*
- (2) *Javnost rada Bolnica ostvaruje se dostavljanjem programa i izvještaja o radu Osnivaču, javnim objavljivanjem Odluka nadležnih tijela Bolnice, i na drugi način.*

### **Član 55.**

*Javnost se ne odnosi na podatke i informacije koji predstavljaju profesionalnu i poslovnu tajnu u skladu sa ovim Statutom.*

## **DIO PETI-OSTVARIVANJE PRAVA, OBAVEZA I ODGOVORNOST ZAPOSLENIKA USTANOVE**

### **Član 56.**

*Zaposlenici ostvaruju svoja prava, obaveze i odgovornosti u Bolnici u skladu sa Zakonom, Kolektivnim ugovorom, ovim Statutom i opštim aktima Bolnice.*

### **Član 57.**

- (1) Opštim aktom, u skladu sa Zakonom i ovim Statutom, bliže se uređuju prava, obaveze i odgovornosti zaposlenika, način i postupak njihovog ostvarivanja, kao i tijela koja odlučuju o pravima, obavezama i odgovornostima. Opštim aktom iz predhodnog stava naročito se uređuju: uslovi i način zasnivanja radnog odnosa, raspoređivanje zaposlenika, radno vrijeme, odmor i odsustva, odgovornost za obavljanje radnih obaveza, otkaz, ugovor o radu, zaštita prava zaposlenika i druga pitanja.*
- (2) Zaposleniku se obavezno dostavlja pismena Odluka kojom se odlučuje o ostvarivanju njegovih pojedinačnih prava, obaveza i odgovornosti.*
- (3) Pod razvojem djelatnosti u smislu stava 1. ovog člana podrazumijeva se ulaganje sredstava u nabavku opreme odnosno rekonstrukciju postojećeg prostora za potrebe uvođenja novih metoda.*

## **DIO ŠESTI– AKT BOLNICE**

### **Član 58.**

- (1) Statut je osnovni akt Bolnice.*
- (2) Statut donosi Upravni odbor uz saglasnost Osnivača.*

### **Član 59.**

- (1) Ostali opšti akti Bolnice su: pravilnici, poslovnici i odluke kojima se utvrđuju pojedina pitanja iz djelokruga Bolnice.*
- (2) Upravni odbor donosi slijedeće opšte akte:*
  - a) Pravilnik o radu,*
  - b) Pravilnik o unutrašnjoj organizaciji i sistematizaciji radnih mjesta,*

- c) *Pravilnik o plaćama,*
  - d) *Pravilnik o zaštiti na radu,*
  - e) *Poslovnik o radu Upravnog odbora Bolnice.*
- (3) *Ukoliko posebnim zakonom bude utvrđeno ili ukoliko se ukaže potreba, Bolnica može donijeti i slijedeća opšta akta:*
- a) *Pravilnik o računovodstvu i računovodstvenim politikama,*
  - b) *Pravilnik o finansijskom poslovanju,*
  - c) *Druge pravilnike, poslovnike i dr.*
- (4) *Akte iz predhodnog stava donosi direktor.*

#### **Član 60.**

*Saglasnost na Pravilnik o radu i Pravilnik o unutrašnjoj organizaciji i sistematizaciji radnih mjesta daje Ministarstvo zdravstva Kantona Sarajevo.*

### **DIO SEDMI – NADZOR**

#### **Član 61.**

***(Nadzor nad zakonitošću rada Bolnice)***

- (1) *Nadzor nad zakonitošću rada Bolnice vrši Ministarstvo u okviru svojih nadležnosti.*
- (2) *Nadzor nad radom Bolnice i radom zdravstvenih radnika Bolnice obuhvata:*
- a) *unutrašnji nadzor*
  - b) *zdravstveno inspekcijski nadzor*

#### **Član 62.**

***(Unutrašnji nadzor )***

- (1) *Bolnica obavezno sprovodi unutrašnji nadzor nad stručnim radom svojih organizacijskih jedini (odjeljenja) i zaposlenika Bolnice.*
- (2) *Nadzor nad radom Bolnice i radom zdravstvenih radnika obuhvata:*

- a) *unutrašnji nadzor,*
  - b) *zdravstveno –inspekcijski nadzor.*
- (3) *Za stručni rad zdravstvenih zaposlenika odgovorni su šefovi odjeljenja*
- (4) *Za stručni rad Bolnice odgovoran je direktor.*

#### **Član 63.**

- (1) *Unutrašnji nadzor obavljaju zdravstveni radnici sa dugogodišnjim radnim iskustvom u struci, po pravilu, šefovi odjeljenja.*
- (2) *Unutrašnji nadzor provodi se na osnovu Poslovnika o radu Komisije za stručni nadzor.*
- (3) *Opšti akt sadrži način obavljanja nadzora iz stava 2. ovog člana, stručnu spremu zdravstvenih zaposlenika koji obavlja nadzor i dinamiku obavljanja nadzora.*

#### **Član 64.**

##### **(Zdravstveno-inspekcijski nadzor)**

*Zdravstveno-inspekcijski nadzor provodi Kantonalna uprava za inspekcijske poslove.*

#### **DIO OSMI – POSLOVNA I PROFESIONALNA TAJNA**

#### **Član 65.**

*U interesu čuvanja sigurnosti i uspješnog poslovanja, pojedini podaci o poslovanju, razvoju i odnosima u Bolnici predstavljaju poslovnu i profesionalnu tajnu i mogu se saopštiti trećim osobama samo na način propisan Zakonom, ovim Statutom i drugim opštim aktima.*

#### **Član 66.**

*Poslovnom i profesionalnom tajnom smatraju se one isprave i tajni podaci koje Bolnica odredi opštim aktom, a kao tajni podaci smatrat će se naročito isprave i podaci iz predmeta djelatnosti Bolnice čije bi saopštavanje nepozvanoj osobi, zbog prirode, značaja i karaktera tih podatakabilo protivno interesima Bolnice i podaci koje državni organ kao takve saopšti Bolnici.*

#### **Član 67.**

*Poslovnom i profesionalnom tajnom ne mogu se proglasiti isprave i podaci čije saopštavanje nije protivno načelu javnosti rada Bolnice.*

### **Član 68.**

*Svaki zaposlenik Bolnice, Upravni odbor, direktor, druga tijela i organizacije u Bolnici, dužni su čuvati poslovnu i profesionalnu tajnu Bolnice.*

### **Član 69.**

- (1) *Podaci i dokumenti koji čine poslovnu i profesionalnu tajnu Bolnice saopštiti će se zaposlenicima, uz napomenu da su to tajni podaci i uz pismenu potvrdu da su na to upozoreni.*
- (2) *Kada se podaci, koji su poslovna i profesionalna tajna, iznose na sjednicama tijela Bolnice, direktor je dužan upozoriti da su to tajni podaci, te da se ne mogu unositi u zapisnik i dalje prenositi.*

### **Član 70.**

- (1) *Isprave i podatke, za koje se opštim aktom odrede da predstavljaju poslovnu i profesionalnu tajnu, mogu drugim osobama saopštiti zaposlenici Bolnice određeni tim aktom.*
- (2) *Opštim aktom, odnosno Odlukom, određuje se koje tijelo, odnosno zaposlenik ima uvid u poslovne i profesionalne tajne, te ko je odgovoran za njihovo čuvanje i njihovo saopštavanje.*

### **Član 71.**

- (1) *Dužnost čuvanja poslovne i profesionalne tajne ne prestaje prestankom radnog odnosa ili funkcije u Bolnici.*
- (2) *Povreda poslovne i profesionalne tajne je teška povreda radne dužnosti, a u određenim okolnostima je i krivično djelo.*
- (3) *Bliže odredbe o poslovnoj i profesionalnoj tajni i tajnim podacima, način čuvanja i zaštite uređuje se opštim aktima.*

## **DIO DEVETI - PRIJELAZNE I ZAVRŠNE ODREDBE**

### **Član 72.**

- (1) *Danom stupanja na snagu ovog Statuta prestaje da se primjenjuje Statut Javne Ustanove Psihijatrijska bolnica Kantona Sarajevo broj: 46/02 od 17.01.2002.godine i Odluka o izmjenama i dopunama Statuta broj:583-0202-1/08 od 28.05.2008.godine.*

- (2) *Svi opšti akti iz člana 59. ovog Statuta donijet će se u skladu sa ovim Statutom, u roku od 6 mjeseci od dana usvajanja Statuta.*

**Član 73.**

- (1) *Izmjene i dopune Statuta Bolnice vrše se po postupku i na način za njegovo donošenje.*
- (2) *Tumačenje Statuta daje Upravni odbor Bolnice u okviru svoje nadležnosti.*

**Član 74.**

*Ovaj Statut stupa na snagu danom dobijanja saglasnosti od strane Skupštine Kantona Sarajevo.*

**Član 75.**

*Prelčišćen tekst Statuta Javne ustanove Psihijatrijska bolnica Kantona Sarajevo sadrži: Osnovni tekst Statuta objavljen u "Sl.novinama Kantona Sarajevo" broj 25/16, Odluku o izmjenama i dopunama Statuta Javne ustanove Psihijatrijska bolnica Kantona Sarajevo objavljene u "Sl.novinama Kantona Sarajevo" broj 12/16).*

**PREDSJEDNICA UPRAVNOG ODBORA**

---

*mag.oec.Aida Sadagić, s.r.*

*Broj:02.4-1686 /2016.godine*

*Sarajevo: 05.04.2016.godine*